



Unioni de is Comunas de su Partiola e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiola/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Comunu de Serdiana

BORSA DE STÙDIU PO MERÈSSIDA – A.S. 2023-2024

AVISU

Si fait sciri a sa cidadinàntzia chi su Comunu at ativau custa interbènnida po su deretu a studiai: BORSA DE STÙDIU PO MERÈSSIDA SCOLA SEGUNDÀRIA DE PRIMU E SEGUNDU GRADU (a.s. 2023-2024)

Pensada po is studiantis de is scolas segundàrias de primu e segundu gradu.

PRESENTADA DE IS DOMANDAS

Podint presentai sa domanda a su Comunu aundi funt residentis (Ufitziu Protocolu bia Monsignor Saba n.10 Serdiana, lunis e mèrculis de is 9 oras a is 11 oras de a mengianu e cenàbara de is 11 oras de a mengianu a sa una, o PEC comune.serdiana@pec.it) a intru e no a pustis de su 23/08/2024: su babbu, sa mamma, su rapresentanti legali de su studianti o su studianti e totu si est intradu in edadi, prenendi su mòdulu apòsitu e alliongendi custa documentatzioni scritta innoi asuta:

1. fotocòpia de su documentu de identidadi de su pedidori in cursu de balidesa;
2. fotocòpia de su còdixi fiscali de su pedidori;
3. declaratzioni arremprasadora de su àutu de notoriedadi apitzu de sa votatzioni mesana finali.

MANERAS

Cunforma a is demandas arricias, s'Ufitziu at a sterro sa graduatòria de merèssida, chi donit prioridadi, in presèntzia de unu tanti de studiantis chi apant arriciu sa votatzioni mìnima po pigai sa borsa de stùdiu prus mannu de su nùmeru de borsas a disponimentu, a su studianti chi apat pigau sa votatzioni prus arta, e in acontèssiu de paridadi s'at a scioberai a sorti in setziada pùblica;

REQUISITUS DE PARTECIPATZIONI BORSA DE STÙDIU SCOLA SEGUNDÀRIA DE PRIMU GRADU

Annu Scolàsticu 2023-2024

1. àiri afitianau, po sa primu borta, in s'annu scolàsticu 2023-2024, is scolas pùbricas segundàrias de Primu Gradu (classi 3^a);
2. àiri arriciu sa promotzioni a sa classi benidora e àiri arriciu una votatzioni mìnima finali chi currispondit a su voto "10";
3. no gosai po su matessi annu scolàsticu de atrus assinnius o borsas de stùdiu donaus de su Stadu o de atrus Entis a titulu differenti.

PRATZIDURA BORSAS DE STÙDIU

Scola segundària de I gradu Importo assinnius
3ª classi (licèntzia mèdia)
n. 3 assinnius € 150,00

REQUISITUS DE PARTECIPAZIONI BORSA DE STÙDIU SCOLA SEGUNDÀRIA DE SEGUNDU GRADU

Annu Scolàsticu 2023-2024

1. àiri afitianau, po sa primu borta, in s'annu scolàsticu 2023-2024, is scolas pùblicas segundàrias de Segundu Gradu (classis de sa 1ª a sa 5ª);
2. is studentis chi ant afitianau is classis de sa 1ª a sa 4ª depint àiri arriciu sa promotzioni a sa classi benidora (chene dèpiris formativus) e àiri arriciu una votazioni mìnima finali chi currispondit a su voto "8,5";
3. is studentis chi ant afitianau sa classi 5ª depint àiri arriciu una votazioni mìnima finali de 90/100;
4. no depint gosai po su matessi annu scolàsticu de atrus assinnius o borsas de stùdiu entregaus de su Stadu o de atrus Entis a tìtulu diferenti.

PRATZIDURA BORSAS DE STÙDIU

Scola segundària de II gradu Importo assinnius				
1ª classi	2ª classi	3ª classi	4ª classi	5ª classi
n.4 assinnius € 165,00	n.4 assinnius € 225,00	n.4 assinnius € 280,00	n.4 assinnius € 335,00	n. 4 assinnius € 375,00

AVERIGUADAS

Cun sa tarea de entregai su contributu, cunforma a su regulamentu generali de is intradas comunalis aprovau cun deliberatzioni de C.C. n.32/2021 – art.20 – is nùcleus familiaris de is arricidoris no ant a depi tenni pendèntzias tributàrias o extra tributàrias cun su Comunu de Serdiana.

MODULÌSTICA E INFORMATZIONIS

Sa modulìstica de impreai est a disponimentu in su situ de su Comunu: www.comune.serdiana.su.it

Po ndi sciri mellus:

SERVÌTZIU SÒTZIO-CULTURALI

Lunis de is 9 oras a is 11 de a mengianu

Mèrculis de is 9 oras a is 11 de a mengianu

Cenàbara de is 11 oras a sa una (13.00)

Email: servizisociali@comune.serdiana.su.it

TRATAMENTU DE IS DATUS PERSONALIS E SCRUCULLUS

Is informatzionis e is datus frunius s'ant a tratai arrespetendi is normas vigentis e is Regulamentus chi ddi pertocant (cumentis, po esèmpriu e bia, su Regulamentu Generali a pitzu de s' Amparu de is Datus – Regulamentu UE 2016/679 – General Data Protect Regulation o "GDPR").

Su tratamentu de is datus fatu de su Comunu de Serdiana s'at a fai cunforma a is princìpius de currìgiu, liceidadi, trasparèntzia, giustesa, integridadi, resguardu, limitadura de is tareas e de sa chistidura e impiticadura de is datus.

Su Responsàbili po s' amparu de is datus personalis de su Comunu de Serdiana est sa sotziedadi Nicola Zuddas srl, e-mail: commerciale@pec.comune.it.

Sa punna de su tratamentu pertocat sa gestioni de su bandu.

Su tratamentu s'at a fai de manera automatizada e manuali, cun maneras e ainas chi potzant assegurai sa seguresa e su resguardu màssimus, a òpera de sugetus incarrigaus apositamenti de custu.

Is datus de genia personali donaus s'ant a donai a is arricidoris, chi ant a imperai is datus cumentis responsàbilis (art.28 de su Reg. UE 2016/679) e/o cumentis personas físicas chi traballant asuta de s'autoridadi de su Titolari e de su Responsàbili (art. 29 de su Reg. UE 2016/679), po is tareas scritas innoi asuba.

Serdiana, su 01/08/2024

SU RESPONSÀBILI DE SU SERVÌTZIU
Rita Piludu sa Dotorra